

張耳陳餘列傳第二十九

史記八十九

索隱曰張耳吳芮勢侔楚漢位埒齊韓俱懷從沛之心咸亨書河之業爵在列侯之上家傳累代之基長沙既曰金結

王亦謂善始並

可列同世家焉

張耳者大梁人也

索隱曰臣瓚云今陳留大梁城是也

其少時及魏公子母

忌為客張耳嘗亡命游外黃

索隱曰晉灼曰命者名也謂脫名籍而逃崔浩曰亡無也

命名也逃匿則削除名籍故以逃為亡命地理志外黃屬陳留

外黃富人女甚美嫁庸奴

亡其夫

徐廣曰一云其夫亡也

去抵父客

如淳曰父時故賓客○索隱曰如淳曰抵歸也音丁

禮反

父客素知張耳乃謂女曰必欲求賢夫從張耳女聽乃

卒為請決嫁之張耳

索隱曰謂女請父客為決絕其夫而嫁之張耳

張耳是時脫

身游女家厚奉給張耳張耳以故致千里客乃宦魏為外

黃令名由此益賢

陳餘者亦大梁人也好儒術數游趙之苦陘

張晏曰苦陘漢章帝改曰

漢昌。索隱曰地理志屬中山。正義曰音邢邢州唐昌縣。

富人公乘氏以其女妻之

亦知陳餘非庸人也餘年少父事張耳兩人相與為刎頸

交索隱曰崔浩云言要齊生死斷頸無悔

秦之滅大梁也張耳家外黃高祖

為布衣時嘗數從張耳游客數月秦滅魏數歲已聞此兩

人魏之名士也購求有得張耳千金陳餘五百金張耳陳

餘乃變名姓俱之陳為里監門

張晏曰監門里正衛也

以自食兩人

相對里吏嘗有過客陳餘陳餘欲起張耳躡之

徐廣曰一作攝使

受笞吏去張耳乃引陳餘之桑下而數之曰始吾與公

言何如今見小辱而欲死一吏乎陳餘然之秦詔書購

求兩人兩人亦反用門者以令里中

索隱曰案門者即餘耳也自以其名而號

令里中詐更別求也

陳涉起斬至入陳兵數萬張耳陳餘上謁陳涉

涉及左右生平數聞張耳陳餘賢未嘗見見即大喜陳中

豪傑父老乃說陳涉曰將軍身被堅執銳率士卒以誅

暴秦復立楚社稷存亡繼絕功德宜為王且夫監臨天

下諸將不為王不可願將軍立為楚王也陳涉問此兩

人兩人對曰夫秦為無道破人國家滅人社稷絕人後

世罷百姓之力盡百姓之財將軍瞋目張膽出萬死不

顧一生之計為天下除殘也今始至陳而王之示天下

私願將軍毋王急引兵而西遣人立六國後自爲樹黨
爲秦益敵也敵多則力分與衆則兵彊如此野無交兵
縣無守城誅暴秦據咸陽以令諸侯諸侯亡而得立以
德服之如此則帝業成矣今獨王陳恐天下解也

正義曰
解紀賣

反言天下諸侯見陳勝稱
王王陳皆解墮不相從也

陳涉不聽遂立爲王陳餘乃復

說陳王曰大王舉梁楚而西務在入關未及收河北也臣

嘗游趙知其豪傑及地形願請奇兵北略趙地於是陳

王以故所善陳人武臣爲將軍邵騷爲護軍以張耳陳

餘爲左右校尉予卒三千人北略趙地武臣等從白馬渡

河

索隱曰案酈食其云白馬之津則
白馬津是渡處其地與酈

至諸縣說其豪傑曰

鄧展曰至河北縣說之

秦為亂政虐刑以殘賊天下數十年矣北有

長城之役南有五嶺之戍

漢書音義曰嶺有五因以為名在交趾界中也○索隱曰裴氏廣州記云

大庾始安臨賀桂陽揭陽斯五嶺

外內騷動百姓罷敝頭會箕歛

漢書音義曰家家入

頭數出穀以箕歛之

以供軍費財匱力盡民不聊生重之以苛法峻

刑使天下父子不相安陳王奮臂為天下倡始王楚之

地方二千里莫不響應家自為怒人自為鬪各報其怨

而攻其讎縣殺其令丞郡殺其守尉今已張大楚王陳

使吳廣周文將卒百萬西擊秦於此時而不成封侯之

業者非人豪也諸君試相與計之夫天下同心而苦秦

久矣因天下之力而攻無道之君報父兄之怨而成割

地有土之業此士之一時也豪傑皆然其言乃行收兵

得數萬人號武臣為武信君下趙十城餘皆城守莫肯

下乃引兵東北擊范陽范陽人蒯通說范陽令曰漢書曰范陽令

徐公竊聞公之將死故弔雖然賀公得通而生范陽令曰

何以弔之對曰秦法重足下為范陽令十年矣殺人之

父孤人之子斷人之足黥人之首不可勝數然而慈父

孝子莫敢傳刃徐廣曰傳音蔽公之腹中者相連本奇曰東方人畏

秦法耳今天下大亂秦法不施然則慈父孝子且傳刃

公之腹中以成其名此臣之所以弔公也今諸侯畔秦

武信君兵且至而君堅守范陽少年皆爭殺君下武

信君君急遣臣見武信君可轉禍爲福在今矣范陽令
乃使蒯通見武信君曰足下必將戰勝然後略地攻得
然後下城臣竊以爲過矣誠聽臣之計可不攻而降城
不戰而略地傳檄而千里定可乎武信君曰何謂也蒯
通曰今范陽令宜整頓其士卒以守戰者也怯而畏死
貪而重富貴故欲先天下降畏君以爲秦所置吏誅殺
如前十城也然今范陽少年亦方殺其令自以城距君
君何不齎臣侯印拜范陽令范陽令則以城下君少年
亦不敢殺其令今范陽令乘朱輪華轂使驅馳燕趙郊
燕趙郊見之皆曰此范陽令先下者也卽喜矣燕趙城

可毋戰而降也此臣之所謂傳檄而千里定者也武信

君從其計因使蒯通賜范陽令侯印趙地聞之不戰以

城下者三十餘城至邯鄲張耳陳餘聞周章軍入關至

戲却蘇林曰戲地名却兵退也又聞諸將為陳王徇地多以

讒毀得罪誅怨陳王不用其策不以為將而以為校尉

乃說武臣曰陳王起蕘至陳而王非必立六國後將軍

今以三千人下趙數十城獨介居河北晉灼曰介音憂不

王無以填之且陳王聽讒還報恐不脫詞又不如立

其兄弟不即立趙後將軍毋失時索隱二以言舉事不間不容一喘息頃也

臣乃聽之遂立為趙王以陳餘為

大將軍張耳爲右丞相邵騷爲左丞相使人報陳王陳
王大怒欲盡族武臣等家而發兵擊趙陳王相國房君
諫曰秦未亡而誅武臣等家此又生一秦也不如因而
賀之使急引兵西擊秦陳王然之從其計徙繫武臣等
家宮中封張耳子敖爲成都君陳王使使者賀趙令趙
發兵西入關張耳陳餘說武臣曰王王趙非楚意特以
計賀王楚已滅秦必加兵於趙願王毋西兵北徇燕代
南收河內以自廣趙南據大河北有燕代楚雖勝秦必
不敢制趙趙王以爲然因不西兵而使韓廣略燕李良
略常山張騫略上黨韓廣至燕燕王因立廣爲燕王

徐廣

日九月也趙王乃與張耳陳餘北略地燕界趙王閒出為燕

軍所得燕將囚之欲與分趙地半乃歸王使者往燕輒

殺之以求地張耳陳餘患之有所養卒謝其舍中曰如淳

曰廝賤者也公羊傳曰廝役扈養韋昭曰析薪為廝炊烹為養晉灼曰以辭相告曰謝也。索隱曰謂其同舍中之

人也漢書作舍人吾為公說燕與趙王載歸舍中皆笑曰使者往

十餘輩輒死若可以能得王乃走燕壁燕將見之問燕將

曰知臣何欲燕將曰若欲得趙王耳曰君知張耳陳餘何

如人也燕將曰賢人也曰知其志何欲曰欲得其王耳趙

養卒乃笑曰君未知此兩人所欲也夫武臣張耳陳餘杖

馬箠下趙數卜城張晏曰言其不用兵革驅策而已此亦各欲

南面而王豈欲為霸伯終已邪夫臣與主其可同日而

道哉顧其勢初定取參分而王且以少長先立武臣

為王以持趙心今趙地已服此兩人亦欲分趙而王特

未可耳今君乃囚趙王此兩人名為求實欲燕殺

之此兩人分趙自立夫以一趙尚易燕況以兩賢王左

提右挈而責殺王之罪徐廣曰平原君傳曰事成執滅燕易

矣燕將以為然乃歸趙王養卒為御而歸李良已定常

山還報趙王復使良略太原至石邑索隱曰地理志屬常山秦兵

塞井陘未能前秦將詐稱二世使人遺李良書不封張晏曰欲

其漏泄君臣相疑曰良嘗事我得顯幸良誠能反趙為秦赦良罪

貴良良得書疑不信乃還之耶鄆益請兵未至道逢趙
王姊出飲從百餘騎李良望見以爲王伏謁道旁王姊醉
不知其將使騎謝李良李良素貴起慙其從官從官有
一人曰天下畔秦能者先立且趙王素出將軍下今女
兒乃不爲將軍下車請追殺之李良已得秦書固欲反
趙未決因此怒遣人追殺王姊道中乃遂將其兵襲邯
鄲邯鄲不知竟殺武臣邵騷趙人多爲張耳陳餘耳目
者以故得脫出收其兵得數萬人客有說張耳曰兩君獨
旅而欲附趙難獨立立趙後扶以義可就功索隱曰以不羈
旅勢弱難以
立功也獨有立六國徐廣曰正月也音烏轄反
求得趙歡案張晏曰趙之苗裔立

趙王之後可以成功

爲趙王居信都

徐廣曰後項羽政曰襄國

李良進兵擊陳餘陳餘敗李

良李良走歸章邯章邯引兵至邯鄲皆徙其民河內夷

其城郭張耳與趙王歇走入鉅鹿城王離圍之陳餘北

收常山兵得數萬人軍鉅鹿北章邯軍鉅鹿南棘原築

甬道屬河餉王離王離兵食多急攻鉅鹿鉅鹿城中食

盡兵少張耳數使人召前陳餘陳餘自度兵少不敵秦

敢前數月張耳大怒怨陳餘使張騫陳澤

正義音釋

往讓陳

餘曰始吾與公爲刎頸交今王與耳旦暮且死而公擁

兵數萬不肯相救安在其相爲死苟必信胡不赴秦軍

俱死且有十一二相全

正義曰十中冀一兩勝秦

陳餘曰吾度前終不

能救趙徒盡三軍且餘所以不俱死欲爲趙王張君義
秦今必俱死如以肉委餓虎何益張廩陳澤曰事已急
要以俱死立信安知後慮陳餘曰吾死顧以爲無益必
如公言乃使五千人令張廩陳澤先嘗秦軍

索隱曰崔浩
云嘗猶試

至皆沒當是時燕齊楚聞趙急皆來救張敖亦北收代
兵得萬餘人來皆壁餘旁未敢擊秦項羽兵數絕章邯
甬道王離軍乏食項羽悉引兵渡河遂破章邯

徐廣曰三
年十二月

也章邯引兵解諸侯軍乃敢擊圍鉅鹿秦軍遂虜王離
涉間自殺卒存鉅鹿者楚力也於是趙王歇張耳乃得
出鉅鹿謝諸侯張耳與陳餘相見責讓陳餘以不肯救

趙及問張壓陳澤所在陳餘怒曰張壓陳澤以必死責

臣臣使將五十人先嘗秦軍皆沒不出張耳不信以為

殺之數問陳餘陳餘怒曰不意君之望臣深也索隱曰望怨責也

豈以臣為重去將哉索隱曰案重訓難也或云重惜也乃脫解印綬推予

張耳張耳亦愕不受陳餘起如廁客有說張耳曰臣聞

天與不取反受其咎索隱曰此辭出國語今陳將軍與君印君不

受反天不祥急取之張耳乃佩其印收其麾下而陳餘

還亦望張耳不讓正義曰言陳餘如廁還亦怨望張耳不讓其印遂趨出張耳遂收

其兵陳餘獨與麾下所善數百人之河上澤中漁獵由

此陳餘張耳遂有卻趙王歇復居信都張耳從項羽諸

侯入關漢元年二月項羽立諸侯王張耳雅游韋昭曰雅素也○

禮曰鄭氏云雅故也韋昭云雅素然素亦故也雅游言慣游從故多為人所稱譽人多為之言項羽亦

素數聞張耳賢乃分趙立張耳為常山王治信都信都

更名襄國陳餘客多說項羽曰陳餘張耳一體有功於

趙項羽以陳餘不從入關聞其在南皮索隱曰地理志屬勃海○正義曰故城在

滄州南皮縣北四里也即以南皮旁三縣以封之而徙趙王歇王代

徐廣曰都代縣張耳之國陳餘愈益怒曰張耳與餘功等也今張

耳王餘獨侯此項羽不平及齊王田榮畔楚陳餘乃使

夏說說田榮曰正義曰上說音悅下音武銳反項羽為天下宰不平盡王

諸將善地徙故王王惡地今趙王乃居代願王假臣兵